

惺窩稿

三

和書門			
五	一	九	三
三	三	三	三
類	號	函	架
六	〇	一	六
冊			

內閣文庫			
三	五	五	一
函	函	三	九
六	六	三	三
架	冊	號	類
六			

內閣文庫			
番號	和	51933	
冊數	6	(3)	
函號	205	120	

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





惺窩文集卷第三

羅浮山人林道春編彙

手簡

寄朝鮮姜沈

通日杳不聞音耗

未勢出不穿魯縞

事亦有窮而無通乎

蓋或邵先生不出

循而至今賴垂照

亮即時有閑暇則迂請旆否

頗懈積弊之悵何如何如何今兄婦翁起居清勝
 否逐一僉傳早忱而以抒索居之情磬折白
 半亦答東山長嘯子心共日莫余入不亦此
 怨披毛牒生意欣欣如向來之玉樹渴心津津
 如元亨之水是非閣下陽德仁風和煦之令然
 也哉况荷一盃之嘉穀之惠乎寒陋之庖厨於
 此得豐贍矣屠門之大嚼人之恒情也更嘗之
 甘之滋枯腸閑中一快也就審閨門稍康復得
 無妄之喜前日醫意安話次及茲今知事實千
 金珍重

金珍重

荅林秀才

名道春小字三昂諱信勝一
 名忠字子信懼窩公常呼之日

羅浮子

朔日所貺之手柬十數日之後落手裡裁謝遲
 怠莫為怪於是豐浴至於三開闔至於數琅琅
 璨璨葩華生光暉為懈為奔矣余於足下始而
 慕風采也望梅而遙止渴埃中而聆餘論也嚼
 蔗而漸入佳境今而問以言責以善忽如飲瞑
 眩藥而狂愚之病癖將有少瘳也耶會遇一回
 面未熟情既親不以余為無侶欲置責言之地
 豈不為慰乎不為幸乎顧我子子然無友孤陋

寡聞其故如何方今世降俗薄而物論不公嗒
嗒然動其喙高者入空虛卑者入功利有隋窳
者有弊躬者有突梯卷鬻者故交乎人者炎而
附寒而棄朝而真暮而偽甚者僅有間則揮舌
上之龍泉而刺人於背後而不見血悲夫矣夫
是所以無友寡聞也傳曰人之大倫是五而然
亦朋友之於人倫其勢若輕而所係甚重其分
若疎而所關至親其名小而所職甚大也是足
下生平素蘊而所以問言責善而已矣自今得
講磨之力濡染之益則不可謂無友不可謂寡

聞不可謂無公論然則余雖不敏亦不剖露肝
腸忠告哉今見來書楚則失矣齊亦未為得也
請述焉來書所謂儒服之製非不為榮足下之
稱許雖然他人見之則彼指議曰足下悅人以
溢美之言余受人以不虞之譽然則彼此無益
而却有害且夫儒服之製以余為濫觴者亦奚
為本邦居東海之表太陽之地朝暉晨霞之
所輝煥洪濤層瀾之所蕩瀟其清明純粹之氣
鍾以成人才故昔氣運隆盛之日文物偉器與
中華抗衡諸儒居大學寮者砥節礪行孜孜不

倦屹屹不急釋奠之禮試科之制昭昭乎管石
相遺錄當此時若諸儒不服儒服不行儒行不
講儒禮者何以妄稱儒哉抑亦儒名而墨行乎
墨名而儒行乎嗚呼猿而服周公之服鶴而乘
大夫之軒余第恐其服不稱其身何暇論他衣
服哉若又禮義不誤何愛人言來書所謂排佛
之言更不待勞頰舌唐有傳大史韓吏部宋有
歐陽子餘子不可勝計焉程朱已往諸儒先皆
有成說足下之所講余無斯意哉雖然上有治
統之君下有道統之師則渠何妨我若其無則

奈渠何且如余者堅白未足而妄試磨涅還為
渠所議可愧無甚於焉唯自警自勤而已來書
又有二事請揚摧言之云云其一伴者朱陸辨
也足下所辨者諸友排陸之緒餘也我亦閱焉
如朱夫子者繼往聖開來學得道統之傳者也
後生區區置異論哉如陸文安者有信而最學
之者有疑而未決之者有排而作之者信者排
者置不論焉以其疑者言之在同時者張欽夫
呂伯恭於紫陽為文人行而共發揮我道為已
任者也然亦以文安不為全非在有元者北有

許文正南有吳文清又共發揮我道為已任如
文清亦於朱陸尤出右出未偏執在皇明者儒
門一代巨擘皆有寬陸之疑故余亦疑其所疑
而已非信而學唯見羅整菴霍渭厓陳清瀾等
同黨伐異排陸之諸編未見金谿家乘文集語
錄年譜及門人故舊之手錄故曰非敢信者疑
而未決者足下辨陸不遺餘力不顧諱不回護
想是於兩家之學窮闡奧抽扃鑰見地堅定而
若斯矣余姑以疑者論之則塩梅相濟瑕瑜不
掩亦復有此理微箕比干周武伯夷所為各如

不同而所欲亦如不異故仲尼兼稱并取不偏
廢睦夫風雩曰省父子異氣象異中有同故元
氣周沅之先聖与其志傳其道坐春門雪伯叔
異天資異中有同故光風霽月之先生授其圖
接其統同氣尚然况他人哉由是推之紫陽質
篤實而好邃密後學不免有支離之弊金谿質
高明而好簡易後學不免有怪誕之弊是為異
者也人見其異不見其同同者何哉同是堯舜
同非桀紂同尊孔孟同排釋老同天理為公同
人欲為私然則如何學者各以心正之以身體

之優柔饜飶圓機不轉一旦豁然貫通則同欵
異欵非見聞之智而必自知然後已矣嘗聞有
因周程張朱之言譏謗韓子者敬軒薛氏論曰
在周程張朱誠可也在他人不免不識已量之
罪至哉昌言余所懼又在茲矣其二件者大學
綱領也前回余雖卒然道著而後非無所兼足
下今所言余先所言衡決不合何哉余偶口囁
嚅而言不盡意欵抑亦足下偶耳聽熒而意不
曉言欵必埃它日面布於戲壁陰之窗灯雨之
床我往叩之乎足下來訂之乎狂愚之言叨叨

至茲病癖未瘳也尚莫恪瞑眩之藥奪之又奪
蔑以加於焉不宜
慶長甲辰三月十有二日

右書簡惺窩公代田玄之而製之云
寄林三郎 甲辰閏八月廿六日

前回不虞之劣明快不可言假言於賀氏曉此
意以達否所諾之深衣一領道服一領備製法
深衣者少雜國服之樣蓋取一時之便也若從
皇明之制則短其袖長其裳可也後所借之知
新日錄 大學論語 還納焉庸孟附右信終電曠

者與熊掌而又所欲也

又曰其辭身其安可也

手書一再周覽不異對語深衣製子珍重道服

奈何知新日錄庸孟三冊落手裡不日遂納耳且又

佳招之一件埃賀氏郎之指呼搖落蠢既盡風

月之交友豈無情哉手簡標大儒之二字簪柳

柳別稱退之以儒者韓退之時論非無之如何

足下每每對話手書共以語意失平易恐年壯

銳英之氣象未消圭角也耶思焉

又同年九月十日

昨應佳招竟日治具豐溥却慙素餐之詩且如
不穀者菜肚藜腸而足矣何要膈深哉雖然厚
意亦可見多謝多謝重陽之賀啓格律切密可
喜矣第思推獎頗適當恐縮可堪乎涑水先生
以吳處厚賀先生之大拜之啓為稱譽不克當
而即時封還處厚赧惕再下分踈言無半語虛
飾然後受焉彼稱其實尚然况於余哉於平方
風俗溷濁之時子之稟賦較異也天意其亦有
在也耶自嗇自重莫暴棄焉故每晤對無愧枝
辭蔓說頌到無餘蘊蓋育望子之玉成而已余

言者所謂他山之石也令弟初接眉宇亦以是傳之幸幸

今晨偶至賀氏之第問大坂之行期已而得生之手書與陸舟之說說中議論反復可觀生之所蘊所艱而非所叙余之平生者何哉蓋知余之日淺而以想像言之乎不審抑亦其意在激勵余廢墮者也耶感愧交加今日學暇如何余尚在賀氏之席次匆匆略述惠書之謝不悉

又 同年十月二日

因賀氏而所達之手書至今周覽就審日新之盛業可尚可喜矣昨日賀氏再赴大坂是否以是無由于晤言人事聚散元不可無而人情眷戀亦不可遣無可奈分睽已還舊病稍發藥爐側呆呆過旦暮前日手錄一通通啓一首開闔數番以慰目前而已所索之批評隨子之請則余非其人也牢辭則拂戾子之情夷猶因循竟不獲止粗呈管窺子之意不知何如蓋老嫗非解詩者而白香山作詩常令彼解之想是當夫無所蔽塞時愚夫愚婦之心即聖賢之心嘗无

二心是則所謂秉彝之定理又在茲老嫗非解詩者也子今於余也白氏之老嫗而已豈可以非其人牢辭哉然如其蔽塞何子其子細擇焉又所表出經語不舍晝夜體究云云必有所得乎此等經語浩浩皆然奚在數件雖然先哲尚因資稟之所近點出數字示人為警策各得入頭處所謂大小程子之敬朱子之窮理金谿之易簡陽明之良知等也余所以告子者欲賴子而發余蒙而已以子之所得幸示之病餘涉筆枯戰以竣它日不悉

明日九日執謁于華軒乎如何家乘一冊尚暫留并附會次東海瓊華借來頗慰目前幸幸又言又云云當此難具又云云善善人亦非足下之所有借他以及借余至惠亦不可述焉還納速疾以是而已足下許余以倍十行俱下者何哉縱雖倍十行俱下非余所希望而誇說况余之驚下之質寧有公等駿發之氣哉讀書不求甚解古人既有之其意又何如矣賀豐牧音息迢迢匆匆已靡行施于大坂乎離索不

克無懷無為矣手啓之淨書展翫洗眼昏鄙讐
粗具前書今不得再瀆陞舟之起草留在案頭
是亦脫藁藻飾則坳堂之芥化作龍驤之華歆
呵呵足下所告屬者讀書終日矣於乎足下涵
濡體認雋永可想焉足下自言与視非礼聽非
礼不同其不同之處實其解書之深切著明而
視聽所當視聽者而然却言不知讀書而解之
又言未知所當視聽是足下所以善誘人者也
耶余又豈善誘足下哉慙慙夫是余所以知足
下之體認涵濡之雋永也非乎來示聖像不覺

起敬悚栗卷以還焉贊詞不知所以醜縷古人
以鄉黨一篇為畫出聖人贊詞亦軼焉欤然足
下之盛意尚俟晤語春秋大全合部十二應
所諾以借示之而已日已迫昏草草亮恕不
一封之溫語尋二旬之寒盟欣欣八九日之招
盼睽有在雖然鄙人適日如凍龜之藏六出晒
無日頰乞怜且非倨傲亮照惟幸春秋大全尚
留在座右云云歟可歎可非終卷者莫還焉又
流水集索管窺附右信者幸幸再肅

手簡即今到達矣蓋以老赤脚不在也賴生之
介紹而今日始斟酌東沼乎杯水之中偃鼠之
飲可笑矣杯水不可留即速送去呵呵冊數彼
如舊彼
浮屠之先輩一時文物之盛記覽之博富贍之
才固有在矣陞海潘江又杯水之謂乎豈可淺
視也哉然以蠡測焉逞逞論理之不粹也下字
之不貼實也其文之氣之与思客者浮者亦有
不可掩生之隻眼瞭焉之占又何如一件明日
之會辭謝具前書以羸憊之未蘓也非虛慢也

得蘓息之日不可待折簡之呼一件國朝綱目
生之勇為實可嘉尚所謂瑤琴空匣至今日龍
門之遺歌天意有缺于生乎勤之一件達德綱
領未脫藁且此編唯類聚古人之成說而已曾
不著一私言乎其間是慰其僭踰也然亦俟它
日愚平素懶于涉筆而作書復無侍輩之可代
此勞者故雖曰昵交密友經年或不投一書知
者不罪之不知者以無礼不恭彈斥生其如何
預告報以至此曲乞允容蕭子磬折又
又 同年十二月四日

昨之昨一介一書頗懈多日之鄙吝爾來不及
敲書室以天寒途泥之不可當病體也蓋在亮
怒矣歆招以話則百拙之鳩未能營巢且就葭
葦之好儻偏室彼厭人事往復之雜還又世之
常情而已余於子豈慙圭華之陋哉凍餒之極
轉溝壑者尚無自致則不足愧屈况其末哉幸
卜間散一弓之地至春暖拾瓦礫披榛荆結小
草堂寓筆硯則必呼子而知寒士冰檠之態是
亦非子之知命學中之一事也耶於是彼此握
手談笑一噓以償比來不接之債乎若人事乖

矣墮鳥有亦未可知焉到底委順彼蒼耳矣也
後莫謂食言呵呵又子信之說竅面布何有宿
諾乎一曰與子出日卷費平國史之難言自非
榮滿又與子春寒無別習者一卷與子難言
異端辨正三冊四續文宗二冊相達天命圖一
卷未見之書也今時少冗少時暫留一覽之後
還之而已嘉惠万万明殘一片先留予子信說
之成否未知故不宿諾如前次之對話也朝鮮
國信使竣它日之告報藤房傳必待淨書之日
拙文詩共無單詞片語荒蕪不足言之恰怨對

客不具草草單語不取言之有誤
 又同年十二月廿二日
 歲云暮朱門白屋官事私事紛紛兀兀國俗之
 常也如散馬閑人當此時通問訊以我無事妨
 他有事此是懼焉非疎非怠矣不意還拜烏銀
 之包蟻綠之尊之嘉惠一爐三杯且圍且傾和
 氣騰騰先得春感佩深深故事一卷或條議論
 覈實可見焉他日榮膺乎國史之選者自是非
 矣祝祝前日賀郎之書問延及余所說吾子之
 事也彼生質元非今人之比每每欲揚人之善

成人之美以為吾子負不世之望不宜韜晦古
 人以名譽不聞歸過於朋友蓋彼責余以是也
 彼徒知吾子之玉之美與錦之彩而不知余之
 石之頑與魚之爛而所以攻之所以濯之之不
 能如石與魚也然彼於吾子不可不謂敦於余
 不可不謂忠最足此今世輕薄子之蔽人之善
 競已之長猶為歎推之於陷穽而後下石者之
 賴也耶奈何奈何吾子之金蘭簿上有幾人哉
 是明人之所以著聲美集乎如余孤陋歲晚之
 心事唯在此故不覺和筆訴吾子而已吁春來

燈前勝集先賡此話匆匆白晉史論二篇暫留
手案頭樹歲晏之懷
又元正月十二日
賀歲之手續添以烏糖依足下之惘歎深增拙
鄙之逋慢慙悚慙悚明日十三日叩書室以面
謝而已貞順在西山順知尚遠在西播未來所
諾之期以上元之頃巨卿之仁未可占焉且又
所告之朝鮮講和使一儒一僧為正為副以僧
者胡元世祖以寧一山誘導我者也蓋以我所
好遭它愚弄者古今然矣不知又我墮于術中

乎奈何奈何然亦天下者有天下之人非散焉
者之所議思之思之欲話者如山如海如細雨
如密霧并付明日再拜

又 同年正月十四日

昨日終日相話春初之一快也多謝有餘因知
記全貳策還焉朝鮮信使若得好先容則相共
携手行以見之否如何卜風日暄美告焉任足
下之指呼薄暮不羅覩

又 同年正月二十日

昨昨讀書錄遺忘而不借之慙慙即今續錄三

冊備歷覽他卷在櫃中未得出之先以塵右之
所有附老奚它日終編而已前日整菴記中余
所議之數條暗合于天命圖說者有在如何又
廣胖之二字姜沆之所命非所以自稱昨本者
少日之別號而非今日之意以惺窩表之而已
故告焉

又

同年正月二十三日

即今讀書錄六冊前况三冊合部九冊備歷覽
日用體認至祝至祝延平荅問嘗染指否紫陽
師弟授受所自來學者不可不讀焉有其書哉

若無之則借余之所有而已吾子尚得春秋之
富者也勉旃勉旃余所冀在茲矣 細雨稍催
花詩興何如然亦古人所謂山林園圃之蒼在
經史之中者以彼代之哉思焉

又

敬軒劄記全冊還來好好延平遺錄全二冊附
了此老平生舉言洒落之二字蓋深慕于瀟溪
而有味乎此者乎足下染指為何如藤房小傳
叙事整亮贊辭簡潔至敬至敬不怠則復古之
功可竣焉又云至祝至祝少焉稽之慤目前惠

感淺堪矣朝鮮人筆語惠來快哉雖然目擊道
存鑒在機先彼不足容言頗為足下惜之豈無
不語上失言之戒乎哉思之思之或者語余曰
彼二士共無識凡庸非可奉使命者想非正使
乎以是余亦不欲就見竟罷了如何來月一二
日之招青眇至厚佳期未決附嗣音然路遠脚
頑每每憚之可笑昏睡之餘不知所以落筆亮
照狼藉狼藉
又
四書程墨三冊李于鱗文選三策一觀之后還

之而已嘉惠甚慙小律一篇足起予些竄偷生
之懶乃次韻奮來意以傍花隨柳昔聞風不管
世情閑与忿若識自家生意在四時渾是一春
中
延平遺錄二冊讀了幸幸非足下之幸而余之
幸也然非余之幸而已闔國之幸也方人之幸
万世之幸也盖足下體認涵濡以至洒落也若
不然則今日之幸者它日之不幸而闔國万人
万世之不幸亦在于此非余与足下之幸不幸

而已思焉雖然靜坐未發之中一變入釋先儒
之明誠可見誠敬之工夫徹上徹下洒落在其
中欲曾參全書二冊心法一冊二編大較一書
也其議論豈外程朱哉以其出處之行實見則
其人可知焉其人可敬焉今日讀者亦得入頭
之處然后見其議論之誠實讀者亦得踐履之
實乎書自書我自我何益哉許先生在胡元戰
爭之始艱苦之際立志如此成就如此出處如
此是其大丈夫哉有為者又如此而已又明日
不雨則可執謁乎如何

左逸備歷覽此本它借也斷龍岩事僦屋座右
書籍難備故欠考藤房傳又一覽了咳嗽何如
春初時氣為道艱保珍重

左逸終精鑒珍重一篇之品評吾邦又不為無
一鳳洲文已然道學豈不然乎况道外無文文
外無道足下立志已如此彼鳳洲者不足多焉
勉之文宗初卷附奚前後遍閱了至佳至佳前
次所告佛書非今日急務竅嗣音異書者先哲

所戒然亦知彼崖略則不墮其術中又學者可知者有在乎如何前日叢林公論中之言論儒釋之異見頭惱哉凡見異書莫見異中之同處見同中之異處然後知異之實然先於氣象全迥別是能見者也莫必問言談之同異如何字說未起草至春懶墮采加自決為一廢人一陳人可憐矣

又

文宗首卷遂納說苑全二冊附蒼頭信國正氣歌彼之烈不及論焉是亦宋室道學諸君子所

鼓舞之遺歌而已思之思之昨獨坐寥寥適讀疊山謝公与程雪樓魏參政之二書不覺掩卷涕泣古人讀古人之文云一字一涕愚於二書一字万涕是何意哉義氣無古今遠近間者可觀

又

說苑二冊達几前程墨三及第文二冊李滄溟文三策共盛瓶以遂之見未見之書悉出厚意甚憫前次所借之天命圖一卷其時貞順者為它編之校讎持去至今未有信息緩慢之罪於

予不可免之然亦足下豈不知予者哉亮怒然亦不可恃足下之知而又增其慢今日齋一東与彼而督責焉且待復吏好矣

又

同年二月二十六日

天命圖還了逢急之罪前書吐露曲在亮照屬者雅候如何情親而蹤濶不克無遺憾以予推足下又可知也 一件及聆於府内面前左右三四輩之壁奔以足下講學之事節以為貝錦彼小人者古今然矣雖不足介懷而微服過宋人事亦不可忽諸是此人事即天理下學即上

達又足下所可講之也他山之石彼既碌碌足下之玉成之日亦在今欲彼之所以禍足下者予之所以祝足下者亦在茲矣今日適快晴以此老矣為前導而迂玉趾于半塗之一僻地矣予予亦往以所傳聞之事告焉故忽忽馳老矣半塗之地付奚之口實蓋予往于足下而不可足下來于予亦不可也共以避人事故如此何如何如凡交際于吉于凶于禍于福于善惡不可不以告以賀以吊共憂共喜共謀若其不然者市交也面友也非義非心又何如何如

又同年二月二十七日

宋氏文一冊得一見頗擊蒙劉子一冊備雅覽
 此是拙所有也莫憚替留東端知命之旨於
 予首肯予昨書中玉成之言在茲若夫不然所
 讀之書何書所學之事何事思焉動心忍性彼
 其為足下之地者也勉旃且又拜叩待它日可
 陳說而已
 又
 發柬審來意意肯甚痊副以一尊美酒橐餽一
 貫團餅廿枚惠情彌益效謝效謝昨日自南城

來者云一件幕府曾無嚴責之意唯一青蠅之
 營營而已投畀豺虎尚有餘詩人謂之何如李
 于鱗文歸足下之掌握否珍重附嗣音再覽於
 予為幸矣罄折白公穀若不求得則為足下
 就它借否公羊正義在城氏和泉守穀梁者在
 長嘯城泉今奉侍幕府亦伏見
 又

上巳之賀啓奇麗拭目至珍至珍以面謝而已
 于鱗文不落足下之手云云在于足下則欲遂
 再見在佗則不要借焉莫勞搜索戰國策它日

備以借之耳莫訝遲宋太史文還焉揚子法言
附此奚以借之予三二日來受時氣之侵震良
不豫恰怒彼此期它日草草布字再拜白

又

昨劉子還來今朝法言亦還之拙恙未得全効
無聊中馳日月花謝綠暗春稍將笈一元之汗
行不已者如此自家體認奈何上已啓吟誦懈
目前足下今所慕效四六唐欵宋欵抑亦元欵
所有之四六編幾在嘗見宋元之播芳哉若未
則宋播芳者予所有也元播芳未有足下有之

則見借否又前日所還宋漢文內諸子辨孔子
生卒辨二篇命侍者謄書以賜賜莫大焉予右
手麻木不得涉筆故如斯常憚作書歎歎斜斜
不堪上人眼正于筆敬于字者古人之所誠慙
慙百事自甘爲一癡人實天地之間之罪人也
戰國策未來來則速致之于足下耳

又

宋播芳四冊還了大抵四六文辭等雖非志道
學者之所必古今之變亦因爲可知非翫物喪
志如何鳳洲文今藏它之書櫃它日騁奚致儿

前耳凡余勸讀書於足下者必非為足下見善
喜見惡憂者區區之愚僻也百事灰冷唯此一
事未能忘了招時好之笑者在茲爾來舊病又
發氣息淹淹卧内涉筆亮照

忽領手續邇日之鬱陶於是冰銷更兼佳招廿
二日應來意耶順知未至日夜勞遐想憐恕先
所言之戰國策未來遲怠非余之罪鳳洲集謁
問之日齋持去而已四德之倭訓如足下之所
書乎即今有事小冗不及子細二十二日之朝

事事附晤語磬折白

如來意一昨日終日清話歎悃不可言之翌早
雖可呈謝辭塵事兀兀不意味適似慢非慢幸
恕為神記四策落手一覽了則可還納而已子
信之說緩怠之罪擢髮有餘必竢它日再拜敬
白

又 同年三月廿六日

春秋穀梁全二冊即辰自東山來乃達儿前不
日繕寫幸幸公羊之事亦告于南城城氏彼領

焉否賀豐一簡適至蓋足下先是所与之回柬也倭歌書三策還於令弟不宜再拜

又

杳缺書問忽枉手牘云審茵已之清佳祝祝宋文粹之鈔書數帑煩侍書者多謝多謝穀梁起筆知獲麟之不日句讀朱點足下下手否若不然他日再勞校讎也耶元本者東山子之所愛護也戒傭書家小兒輩之墨汚老鼠子之吃嚼而可也顏氏之護書之訓有在焉公羊彼既許納余之請隨來達于座下而已矣

又

公羊傳六冊遣之此疏等一覽而後宋儒之高明誠吾道之日月也漢唐訓詁之儒僅釋一二句費百千万言然淺近如此如何然亦名物度數不可不一校者欬思之此疏公羊之語下之疏何休注下之疏錯雜混淆行無高低字無細大見者費眼力乎如何今傳注分高低解疏兩行細字而瞭瞭乎如何

首夏初五

鳳洲文十六冊入手至桂穀梁少選亦未審以

東山子之所藏也公羊者如所言以速成爲可
而已龜三問訊拙之行李一語鎰金爲予謝之
者又足下之至惠也頓首

又 同年四月十四日

簡明便覽了乃達于座下嘉惠可喜昨之昨
拜將軍云云餘慶以及予喜不寐公羊如前回
所言城泉所藏之冊也足下已交好然則遲回
亦不甚審乎况多乎之敏速也哉谷梁東山子
之冊縱延及數日未爲責莫勞遐想

又

手書件件曉喻得其意李崆峒集有詩無文遺
恨遺恨前回草廬之顧盼倉皇而歸方言千語
謝之有餘并附對晤不悉
谷梁二冊終寫功足下之喜乃余喜也公羊亦
不日云多可多可續文章軌範它之所貯之冊
也報足下之借於它然後達于几笄而已播朽
之功未畢况堂室乎百拙之鳩可笑焉矜恕幸
幸

又

續文範全二冊還來兩東勞蒼頭大明勸善書

云者未知其名况其實乎哉後信得管窺則惠不可言焉

又

昨來過酒散之惠每每出不意還而慙不分矣澄弟適鼎來然亦祇待欠了寔如周黨之過閔子可笑矣且因城氏之先容執謁于幕府云云至賀至賀面蒞二三之嬖事事言言蜜裡之砒機中之穿不可容易思之計之有君子之德而無君子之才則遭為小人摧敗習坎設險之聖訓嘗哉竒正編二冊附笈中此冊子非余之

有曲應請莫為它漏泄而好矣七八日之招懃懃不可言然且待余之再告之有草草何如

歸第珍重就中長嘯對晤及足下之事乃即今執謁否予為先容耳不計其詳矣

萬首和歌十一冊還為春秋大全一十二冊借為邇日雅候如何春秋三傳已版手裡經旨精一受用如何古人讀春秋於羅浮羅浮者是不在羅浮而在足下明窓淨几之上得古人羅浮

之意則隨處有羅浮而已一笑一笑足下讀春
秋日用得羅浮之意肯則告我哉我亦同此樂
耳不宜草狀吸回春林三點山如千點珠首錄
再騁小奚手書所言今已得其意今晨春秋愚
書無故還來甚訝之不得止暫留之耳奴輩往
往有如此者莫深罪焉如所言吾人不敬之廢
至此而已自一提醒則是亦日用學中之一事
也思之拙每有此事自警自懼小奴小婢共以
怨其罪則於予万幸若不然則予再就足下謝

之耳蒼皇不縷勸善書二冊一覽之后還之
耳至惠至惠再拜聞之世無此類也予書前
白氏新樂府齋來嘉惠鄭重蓋樂府而已而止
乎又白氏文全部有之乎復誰某氏筆也哉次
卷埃他日月翁与桃源手柬適冗次倉皇后來
備慮眼邇日不面如井之無鹿盧為之如何草
草不悉少致七餘卷於予前二三日於竹且
如來字爾來瞻望不少昨執謁府中府中之事

事如何念在茲矣珍重賀豐已起大坂云意振
如薤本亮察之聞前宵至長嘯子而頌遊亦解
后座中少愚子於愚於邑有餘二三日裁竹且
鉏草謀小堂於梓人梓人粗規書成不成未知
伶怨以故未可應佳招附它日草草前况歷
錄字粗考得之即時小冗附它日
又樂亦德來
新樂有一卷還之而以竣次之冊何如小堂全
已附匠人了余就閑矣毋勞遐想桃源手書備
一覽彼浮屠亦已知周程張朱之諸老先生如

何其所自注以王韓孔疏並取相接哉因想沿
襲之蔽俄相革之難如此吾人之舊習可憇亦
如此歷錄之字義粗貼片紙見此字解則漢唐
詁訓之學亦不可不一涉獵者也其器物名數
典刑雖曰程朱依焉而不改者夥矣讓焉而不
注者數矣所謂十三經疏云者魚亦所欲也耶
梅潤入書若時保蓄

仙老遺續米納子為人須知一策未見之書也
暫留儿上堂意曼曼如來示酷暑如老酷吏不

可奈之隆樓傑閣尚然况主華之陋哉余附經
營於匠氏就閑矣明日先即土木之事云云明
日之后余全然而無事尚俟它后之信而報心
曲而已矣
又
如手書前况樹藉酷暑之煩矜者出惠意之厚
乃雖可裁一柬而謝之况次倉皇以至此曲而
賜恕容如長嘯粧點席上之逸興亦奇遇也作
文之題以它日相與評之耳偶有土木之事涉
筆草草了

又同年六月一日

卿談正音逐之若賣書則足下盍買取焉哉此
書所恨者無註脚彼方方語不及註之故然也
亦在此邦不可知如此情許矣前書所還之白
氏樂府下卷再借焉上一卷尚暫留蓋或者少
時欲看之故也如何它時上下卷一時可還之
也餘緒瑛究容之日不宜海物一拾箇效苞苴
之貢呵呵

又
今日聽菊亭職原之講云云周官官制孰与彼

此再為余話之否以余見之吾邦今日未知有
官職之制讀者聽者蓋知職之有原則奚有劉
覆瓿之實柑者之嘆也哉吁吁樂府一卷再入
手蓋為或者也
祭文一首誰某為誰某之製文哉不審大半足
下之高半半若然則殤子代他人而為之歛如
何足下不及一書故不知所為耳草草
一封十團特荷嘉惠且讀且喫扇喝者在此耳

比來紛冗其事如何又讀荀子得其意云云不
知諸子之純駁豈知聖賢之書乎弄文詞者亦
以古書之不可不一見一舉兩得於足下多多
尚有新得則示來哉不悉
昨昨不意之閑話頗洗煩襟六條參議傳語必
可相達而已陽明詩一冊丘濬詩一冊暫留之
陽明文錄在備三要書室先是借以覽爾過了
實如飛鳥之過目而不可蹤跡此冊亦文錄中
之所錄乎抑又別錄乎否丘氏者編纂大學衍

義補遺者乎如何所評品之題文龜思驚望在
此矣不日寄來則鎰金非重小夜小話速落手
蓋遼東之白豕歎慚慚又急病讓夷之抄書之
片帑記取了返賜之以余室中無國語也
高文三首不經時日成就奇奇妙妙暫留以慰
眼菴守仁丘濬遺文二冊還了線麪嘉惠潤枯
腸者亦故人之意也霖雨裹飯者念茲在茲矣
長嘯會遇佳興在想像之中又三首之中夢說
甚得意乎其

又

星夕之三章吟翫不措如予一篇亦無之懶廢
可憐生前日之高文三首有小冗之事未能子
細看即今乞還璧且隨其命重借之寫之而已
心曲附它日之拜晤陽明詩洒落可愛丘氏篤
實可見前日之冊共非全冊買之無益乎且待
全部之來鬻乎大學衍義并補遺學者尤所可
講讀之書也足下亦見之否治國平天下之至
要盡于此明日大學之講可喜可敬所恨者不
在其席次昨日執謁于幕府府內無奇事否与

賀豐一書留以待便介智字之訓可并見若取
一則取雙峰欲并族話欄早早擲毫再拜

歲月荏苒巧夕瞥爾過了中秋稍近又欲聽足
下新吟新吟与月相并期望有在矣于明于明
明眇眇之招厚意不可罄言然亦圭華之居將
稍畢功故梓人責以工價欲償其債俗事冗冗
不得止暫待事了可笑焉頃知未來想做裝在
本月月尾乎途路之脩炎暘之酷豈無父母之
情也哉又有人子之情而已倭書二冊許備見

以足下之言為予警龜三更竢嗣音懇懇白

又

手續欣欣明日明明日未可應佳招佳月即中
秋中秋必非中秋思之思之冥冥之雨有老杜
之嘆而無老杜之詩彌可歎者也憐察澄茅無
穩哉寄色為牽

又

西州紫陽之行未知實義風間相府有此命今
也已實也嘉祥至祝蹈皮一雙聊祝途中之善
為者也非以物矣笑納幸幸

又 丙午二月二十日

昨日杏路問訊殊數品之嘉惠分外之事也殊
璣琅琅惻目前所冀則殘卷全附此矣否綱鑑
亦欲電購如何并竣嗣音不一

復啓舊年日本紀鈔三冊中臣被一小卷暫留
逋慢之罪擢髮有餘蓋就紀之行暫時寄藏它
之書庫至今行李泛梗至此亮怒

又 中臣被訓解一冊神風記三冊返之此等之書

無眼之所作也不足觀之拙也

綱鑑還納之所言之醫書等許一見否保赤全
書附此蒼頭哉否且又朋樽兩者聊效猷芥之
微志餘期晤會

保赤全書四策落手裡喜喜東列之行何日於
拙無聊猶附嗣音拜拜

又 同月二十四日
保赤還了嘉惠不可言之東行分睽之懷無為

惟齋精卷三

三

矣然亦公事無監豈忽諸哉既程從侍油幕入
洛之日乎棗龜棗龜念在茲而已

又 同年四月十七日

昨日終日聽雅論餘味至今在頰齒之間至慙
至慙於澄丈亦以是傳之幸幸就中此一封寄
賀豐送達所期也明日赴南城哉官府之事在
飯來之話欄耳拜拜敬白

重午之令辰如時保類就中半東酒瓶一雙雙
看惠意出望外惘誠之至謝焉有餘且又漂海

錄全三冊備博觀此等之書非急務雖然處事
變窮理盡性亦在于此豈不為學者之一助乎
哉因告前日小學之書第五倫為私之一條龜
三所持之冊為誤字醉裏推測之辨如何允聖
賢之餘論者非危酒曼衍之間可量者不敬之
甚自悔自愧誤已誤人實名教之中之罪人也
并附面布頓首

漂海錄全速還來足下之所議實觀其所觀者
乎知言之學亦在于此於予欣欣即今對客不

涉繁詞不宜亦文笈還遣
邇來音容踈濶芒乎如隔生蓋足下之多公務
與拙癩廢甚而已無奈何之就中洞院實熙所
著名目鈔云者足下所有三萬軸之牙籤有之
否拙所有之冊賀豐假而不返今在東武數百
里之地雖於拙無用長嘯公就拙借之因及于
此獲聞順德天子所述之禁秘鈔足下有好本
勝熊說向長嘯然否長嘯就拙借之拙以一本
與焉長嘯云亥豕魯魚難分別故以足下所有

之本欲校正之如何古人曰校書如風葉塵埃
隨掃隨有實哉此言非有好書之志不及此足
下為何如

昨日情話洗滌煩襟如飲一栢之降氣湯快哉
快哉眇眇亦不少多可多可名目鈔長嘯子之
所欲也若勝熊所藏之冊則彼已可達長嘯何
如禁秘鈔拙早以一通借長嘯足下之本好古
本則可也不然則與拙所借不可殊煩足下無
益欲并附右信不覩縷

又
早早使到勤厚之至曲禮六冊即進呈之此書
之編次註釋精粹無遺憾故周儀之二書渴心
生埃望梅在此萬一一生之間得看則亦不為
虛生雖然如拙者一查魚而已於書於人於世
非無益而有害所望者在足下也思焉官暇迂
玉趾則共順子商量此事順也頗篤厚雖未見
辭章之華藻於義理上有些工夫故有些兒之
見乎一見否不有益乎足下則必有益乎順也
矣

又

因惠書就審雅履裕勝甚慙甚慙曲禮全經之
外集二冊附歸使想是稍得全終寫切否哉吾
子讀此書得日新之所得則請教來如何如何
書史全一補闕一亦復備博洽此等之書雖若
無益於正學又遊藝之一而藝之與德禮書暫
分言之然亦古人以為非二途所以其感之者
元所以其寂者也耶豈二途哉若夫為二則世
俗之溺藝爭短競長爭能求勝之謂而非禮書
之藝非論語之游者謂之溺謂之曲偶足害德

卑意以為然吾子別有見則示來甚慰霖雨中
之閑懷為賜莫大焉彼與桑裹飯之情足比之
哉知生不見久矣想徙移居于他處欣與一亦
然也困頓川侵以順父命云二子若來必傳足
下悃悃之言矣

又
手牘再三殷勤鄭重謝之有餘况復餅酒枯魚
之惠乎哉前日書史大小二冊達儿前爾來侵
染暘氣匕茵不佳以至今不裁復書有赤誠墮
烏有緩慢有慙唯賴足下之知我而已三二日

間閱國策云云若得知新之見則示來策士之
人品唯有魯連然尚約矢之書不可為訓之說
真文忠公之賢而明摺鮑氏為斷無不惜魯子
於此吳氏再分踈為不然足下以為何如卧内
中草草馳筆不罄委曲附它日之話次再拜至

又

手書悃款扇煩歎况副以甘顛之甜瓜也哉甚
感甚慰傳說天降之據書以賜焉今昏了閑閑
地讀之擊蒙而已是亦重賜前次附歸奴以右
文珠璣十一冊篇篇璨璨炳耀圭華珠璣非珠

璣而古文之為珠璣真珠璣也快哉快哉我無
十五城何以謝焉曲礼莫恐遲緩明律今遣八
冊先是二冊并十冊也此冊全十二而欠二冊
欲言事多而日薄暮暮鴉斜斜閃閃塗抹

又

牛續款款去會晤者不遠曲礼八冊謄寫予至
喜至祝盖拙齋藏此冊數身于此未得精義入
神所謂書自書我自我不相干涉自今已往此
冊之入神之妙得定下之有在於予亦得耳目
之濡染之益於定下者豈可比徒爾而挾冊乎

哉拙之幸在于此而已思為明律九冊還來前
次誤言十冊若然則一冊必隱在拙之友古
堆中矣拙適日為殘暑遭染起卧惰窳如吳牛
之喘月雅履裕勝珍重頃請府中否其口與
澄公所惠之和歌雋詠無窮朗吟不措五關之
煩為之洗了快活快活多謝有餘文錦四冊杜
集五冊三四日間抹過以还之即今小死不涉
繁辭馨折

文錦四冊杜集五策還遣爲杜集比分類之古
本則註甚簡也然亦其取舍之當否未細檢時
架上無杜集不可比較也文錦之諸人周程張
朱不容言除此外欽夫伯恭非餘子之比陸文
安公天資高明措辭渾浩洒落自得之妙亦不
可掩焉餘子雖有可觀之有支離者有影響推
測者有曲徑迂路者有黑腰子者有黃口兒者
編意不必純粹欵蓋微俸舉子一時之應對故
乎必有足下隻眼之定價何如昨澄弟雅什翫
弄至今彼未弱冠語意渾厚優游不迫類其爲

人堪推辭之不忘則復古作者之域乎規祝不
少以是傳之爲幸雖然余非知倭歌者如秦吉
了之強解人言可笑片楮迫尾姑措焉而已

又 同年七月二十八日

屬者欠目擊不克展布中曲於邑惟夥青油幘
入洛云云彌足下曠旭之陪侍得幸欵得勞欵
且又知生昨自番易還今適有人事之暇欵加
倭訓於馬史其意在將借足下所藏之本而憚
自言故假言於拙如何同善乎人者足下之所
素蓄也拙亦知足下不疑而告之而已長嘯之

本亦欲借之蓋為校讎也匆匆涉筆不罄委曲

又同年八月十二日

間濶之情如闌風如伏雨如飄蓬如枯草如痴
蠅如凍龜如土偶桃梗之汨落非言之可述筆
之可書并附亮照此史冊四十五賴足下以達
于城泉刺史則幸之幸也蓋拙奴不識彼旅館
之故也水母假蝦而為目人之与物亦有之哉
胡廬胡廬再拜草狀

遷史世家二冊到來乃可相達于知生三二日

間可有問訊云執為左券竦焉

城泉手續具得事實盖足下介紹之勞謝有餘

中秋一絕羅浮峰顛之充霽不意在足下之胸

宇余尚雲雨裡之人也借一過之餘耀乎否呵

呵延平書即今雖可附一奚余俄有人事而欲

赴南紀時已及發一步之始故書櫃等寄藏于

它文庫偶不在座右無奈何將告南行乎足下

而別卑冗迫切因循猶豫之頃又賜音書幸抒

中曲今日若以事有誓留則必以面別匆匆倉

皇言不盡意况短書乎哉再拜
一昨晚上洛其後之瞻望不可言之前度三清
下時一書一詩究輝遐陬之荒陋幸亦甚矣終
不獲的便不克裁謝如芒刺之在背而不忘之
澄弟龜三無德哉一語傳達賴足下之進止而
已且又在南方之日以太守牢請不得止撰和
歌浦管神廟碑銘事出倉皇蓋優者而著子瞻
帽可笑暇日一來相共商量以為笑資如何如
何足下近日盛文幾篇草草不涉多辭拜拜

此一轍兩尊効邠仁莫罪麤俗

又

昨日早速尋訪過量之至也就中周官六典之
經四冊還納之官本不堪久暫留之故也餘事
附它日再拜

又 同年十一月八日

手書件件披肝肺去晤言不為遠矣史一家言
見未見者又足下之餘裕也如水碑文還之學
部通辨遣之長嘯公歌跋起草不竟日成所謂
腹藁者耶然累數千万言雖即時讀之難終篇

不如為永夜灯下之玩感佩感佩十四三日之
招期實報必叩書室而已人世難逢開口笑此
會不輕之荷恩惟重明日赴東山之招彼此附
它日草草不悉按長嘯有歌懼富有詩道春作
其跋

又

明三家之文瀾欵如何如某者未脫却宋頭巾
之氣習者也可笑可笑十四日之朝之招佳期
眠拇喜喜負順未見之順知有鄉人之雍痼疾
者而先容乎意安二子不可提携焉昨東山之
會無詩無文無俸歌蓋山間之黃隕天根悉呈

露是歌也詩也文也唯少足下為恨歆言者惟
駭矮帝於物蕉之与柿葉既已朽敗矣可伶生
矣

又

勝熊草稿一卷長篇累詞倉皇而不可終卷故
少選留几上雖即時可裁謝章還侶非礼它日
更馳一介摘中抱以是傳之則幸幸跋文新奇
耽玩不止焉附十四日之面布今也人事冗冗
不涉多詞

又 同月十三日

昨日及夜為謝倍恒盛文敏捷足勉勵膚淺之
末學紹元生異稟堪推獎焉然亦在足下陶冶
之手歎莫忽諸且又此漢西播之產云昨略言
端緒余未知其人品稍試可也乎是亦欲就足
下之陶冶之志也云故送達之矣明紙如何附
此奚否乎

又

今已騁一介途中相共飯來丰牘明殘五片相
達即又可達伏見而已龜三正傳未來昨之脉
語唐紙彼此價直簿記以賜焉源右金吾校尉

所言如此匆匆一止焉

又

所告件件剖判愉懌不厝真春一書甚愜老悵
先是余雖口不言焉日夜望其成立者如農之
於寸苗沛然之雨唯奔足下果今見淳興於是
余亦抃野秋收之實尚有埃勝熊淨書之一卷
一二日間騁一奚裁一簡謝之而已明殘脉語
彼於二公非有平素無故而荷惠彼不肯歛凡
取予之際傷廉傷惠又有定理歎雖然二公之
意達于彼而後報二公也再拜布字玄忠生執

謁得容接云童蒙求我於足下有焉

又

手書大慶之至昨日清話殊添佳興甚慰閑懷
且又鍾馗事蹟太平廣記抄書勞搜索荷惠多
多并在面謝朔之招如約有待彼此附芳次即
今小冗不盡委曲恕之

又

青田全集二冊還焉別冊許借否若在座側則
附此力來唐荆川集讀之哉文思人品為如何
并俟朔之話欄而已矣草草布此

又 同年臘月二日

昨日清興人生之奇遇也荷惠至重倍恒情情
有餘而筆不足亮照牽甚且又龜山集所既寫
了之新冊初卷并序与困像借來焉昨日所見
之冊也更官本之詩之部一冊同借之否乎它
事附四日之龜少年勝集之話次耳矣

又

荆川七冊遂來一見之際見彼之所見得彼之
所得不亦恍乎同然之理於此徵矣讀春秋論
彼如得要領世之逐句讀之賴人而說之者豈

若斯乎愚之揣摩在此如何足下代一禪客曰
未見星未悟道且道如何悟道余亦代禪客曰
八刻遲割呵呵餘附明日

又

學部辨還來清瀾堂為足下預著此一編乎足
下之痒处不可埃麻姑之仙凡如何一笑靜勝
軒記附一介之行李管文藻未逢真順子若相
看則傳足下之言於彼耳草草布此

又

今日小不例呆坐終日忽得手割如頭風之於

檄文也耶豈不然乎昨之訪足下以為游揚之
雪乎於主有愧也拙以為輿桑之雨於賓有餘
感荷感荷靜勝記還來慎言訓靖節附飯使管

三集未逢本主尚有待也日后再拜

又 同年十二月二十五日

昨日至此地今日偶率然拙僕遇此者言是龜
三家奴聲音可喜况語音乎侶者可喜况知者
乎乃雖無可言之事不可默焉略報平安矣拙
未會府主未見故旧僻居于僦舍暫韜晦行李
盖以途路中之困頓先休息而已早率不可盡

中抱聊展布于此

未會又丁未正月二十六日

漢魏叢書一帙十冊并疊山文章軌範六冊遂
納焉叢書次帙重疊今有事得閑暇之日丐許
借即今姑閣焉且又令弟所借之真澄鏡本主
賣翁也見人之所欲而貴其價以故暫還之彌
踊貴終至不可借之可笑且是傳之於令弟時
尚料峭之寒千金保重足下之一身非私物一
者父母之遺躰一者此道之所載也

又時道春在駿府惟窩寄書今此撮其略

人生待足何時足未老得閑方是閑想古人垂
老自悔之作欬若否則不如此言之足下知此
意乎旋洛在近云云余所待在此若宥三清則
傳一語惟幸

又

一封之手柬一籃之七絕奇果來惠多謝有餘
且令弟贈以二袋并足贍寒陋之厨下假足下
之言報焉居業錄繕寫了有新得者告教之彼
亦希世篤行之君子也豈啻哉尤逸未來竢厚
音草狀不具

又
昨日來訪頗助秋雨之嘆多謝多謝所示之
賦見近時之所未見升堂之賈生乎入室之相
如乎前程不可測焉為友社勉旃余老矣燭之
武之後復云呵呵請借象山集慰目下之闐寂
許納幸甚矣

又
青田半澤五冊還之劉誠意之郁離子全三策
借以又借之聯次散落恐遺失思為南山刀劍
高文上紙否寫一通來示慰目下之寥寥回春

序或者請朱墨之訓點為余勞半筆則於予賜
莫大之餘附晤語不布

間他出昨夜歸到以故前日之行文六聯暫留
至今還焉劉駕詩馬上續殘夢馬嘶時又驚心
孤多所虞僮僕近我行棲禽未分散落月照故
城莫羨閑居者溪邊人已耕全篇也又舊年足
下話次及半山詩註屈平不溺死于汨淵云云
拙暗記稟賦鈍也不覺然否髣髴如夢今以他
本考之未克檢出之所望者別記於片紙而賜

之則鎰金惟輕矣餘附面劣云青魚二十尾以
他之惠來投厨下一笑米納華華
宋文鑑足下見之否東萊呂成公奉孝宗之勅
所銓次也即今言行錄涉獵之是又先是一見
否前集朱紫陽鈔纂續別集及傳統之諸異并
附面布邇來杳久欠目擊鄙吝之懷不可遣之
來問何日哉待之今日重陽觀物思人節候尤
然也室中蕭索在遐想之中中節之哀者人情
不可止矣龍鍾之雙袖以及予不耐長吁而已

矣 游九日

又

昨脩途來訪朋樽之嘉不意之惠也久欠目擊
日日摩瞻望之眼而有事而至門不面不能迎
接坐間如芒刺之在背如薤本之在意根言之
不足迂索亮照今雨得快霽再來在待焉若然
則芒之刺之与薤之本一時以擺脫也耶惠之
至惠又於是彌重欲言之事遺疊散漫細雨密
霧花飛葉落春夏秋向冬今日九月盡吁大
盡

又

前時手劄吳粵春秋二冊鴻意不可言焉前管子即還之管韓二子批點寫之尤可也耶它日拙寫之則批亦所歆若然為拙之地矣非為足下矣呵呵朱夫子遺語二十三冊云云副以如見之小簡事實具焉本月初九朝赴會于龜宅足下諸生和氣溫辭小春在此老拙江邊一枯木以春色寄苔痕又呵呵喜意歆癩因及彈之鴉灸印之時夜又呵呵

又

風雅翼全十冊附小奚吳越春秋雖未終電覽邇日氣宇不寧竟讀書之興且以還焉事事附接頗秋之日

又

史鈔二冊備勘考卷初之策疾龍所親筆也彼雖異教之徒又一代偉人也余所甚愛重也其手澤者它以可為敝帚余以為千金可笑可笑劣面何日哉掃榻以俟焉莫食言福鑿之辨在衛生寶鑑即今有事借它之原本再借之而已余所鈔書偶為人所借尚不若閱全書全書

意安所藏以如見為先容耳焉

昨對話不可忘焉學暇一來過有待矣寶鑑還
來乃傳与予如見也史鈔無用於拙有益乎足
下則猶有乎拙思之
手書件件去相看者不為遠欣喜飛騰不可抒
短紙解倒懸了俟接風姿之日耳線麵三束之
惠藜莧之盤釘忽生光彩是亦足下老老之盛
意欵感感稿魚一連澄茅尚同以足下之意為

意欵雖裁一簡可謝焉為拙假一語矣皇明通
紀留在于架上者僅一日速還之足下欲見之
則拙先容以為之地否乎再告來草草止于此
困知記拙櫃中之有足下如所知縱替留終年
亦無害莫容心万万積懷心事佳期在來問之
時如老農之待年如老牛之喘月如蟄虫之候
雷思之思之

又

九月十八日之手書十月初五落半裏冗中勞
遐想不勝感幸之至再三不措去對話者幾稀

多謝多謝日本紀可有許借云云至惠不淺雖
然非足下歸府之日則如何待其時耳

又

白文騰書之事吾邦古來不名而稱文集者在
此編然則一日亦不可無之者耶至珍至重本
朝文粹暇日繕寫希仰在茲矣蓋非為足下之
羊棗亦老拙之熊掌也呵呵意多筆短不悉

拙七月十日俄中風右半身不遂至今日竟為
癡人者也實一箇蜆肉可伶生可伶生所冀餘

喘中一閑話龜思鱉望不淺清旆入維日何日
無為耳且又淺紀別蓋棺士林之衰晚非拙之
私可謂可惜許予哀于挽不得一辭以是可推
予衰耗而已

漁北全四策還之蓋眊眊之眼明滅之灯片時
瞥爾猶如擡一駿而過百貨鋪呵呵豈辨件件

物色乎
前日後匆匆抹過了雅候日用奈何如拙舊新

疾交侵兀坐呆呆如水下之魚之与水外之泥
伶怨詎竅言之紀行倭歌咄嗟辨否乎前頃瞥
見如下瀨船上逢佳山矣豈克盡奇奇怪怪瑰
瑰偉偉之美也哉况於芳菲嘉卉之種種乎弄
有落手出日卧内中涉筆沍寒刺弊軀不能成
布字此物適來聊附厨人云

頃聞足下講通鑒綱目云云為門生諸徒率率
發明云書法云不可不知之書也勿倦

二荒神傳勞執役者之手然荷足下之麻多謝
多謝結末贊詞無餘蘊豈復有它筆哉竅晤語
今日諸生之勝集可想觀焉漫聯破題之兩句
洗眊昏慰慰楚人之頌伸縮在手裡可尚矣

又

二荒神傳中云由是見之云云不聽沙門闕入
焉云云此間之事若然則先所謂援神入佛掠
社戶為僧俸者驗于此摘奸證慝鞠情鈎距司
臬者必辨焉夫涉史筆者必擬經擬經者必通
律元有二理哉徒爾而言律者刑名之徒而入

苛酷豈祥刑之謂哉故曰五經之有春秋猶法
律有斷例後世脩本邦之史編者於茲添一段
好議論矣嗚呼常山之卒然文訣思之

又

一封兩篇圭華忽發清輝恰如羅洞之春熙熙
登臺耳和歌之和是亦魚之熊掌也何如何如
又時文之批語果爾以足下之仙凡搔着余之
背痒快哉快哉夕顏巷之字奇奇揭之以為號
也太奇

又

昨日數刻之清話慰謝就中倭詩之和篇早早
欣幸不鮮待面謝耳東行之文稿返之此中二
荒山記余未識之事也欲寫之則風手難適万
一足下座下有侍史則命之以賜一通若然
地名人名加諉解者所希也如何他文詩多般
而魚兼熊掌豈其可得哉呵呵詩文進於曩時
者可觀矣可尚焉勉哉勉哉多識編督爾一過
至寶至珍未及他見也思之倭字開合遠依有
之乎如何余愚見之異亦三二處并期晤語此
編雖不許他見於余有望于謄書亦復如何多

識四冊先付奚囊前日話次及古文苑座右不
勞搜索則假電瞞乎吳衣三二或亦與謝語
銅仙傳道所期快哉快哉一夜之腹藁不借點
竄八又七步今又見之早淨書以賜之不留机
格上卷以還之蓋瞥爾一覽無一字之遺憾多
可多可前詩亦加書之而已張景葫蘆之馬曰
年偶見之即今忘之若再思索出則它日告報
之也又張呂葫劔之一對誰某之語不知之夕
顏之談語序附他時匆匆不縷陳瞿瞿白

又 已未九月七日

圖書編入手裏云云拙未見之書也歎乙覽許
恩儻否不日可還耳何如何如每日赴于南城
否府內有何哉

惺齋文集卷之三終

惺窩文集卷之三
仙傳遺所期快哉
夜之服衣不借
實入凡世步今又
死之早津言以賜
之亦不
格上善以選之
五時用一覽無一字
之遺微
否休內林何始
如書之而也
張景明
之為
自新否不日
百數耳
所曉何曉
每日後
千所
人于東
之
未具
之書
也
若小
莫指

惺窩文集卷第四

羅浮山人林道春編彙

手簡

与意安

號又玄子

文則周覽適老懷即今十二冊還納之蓋此編者皇明文士之製文而別無作文之式故早速返呈之復北野之一件雖非直務粗問津則世波厲揭之一端乎呵呵餘蘊并付拜頰之談擲頰首

又

明通紀全部十七冊還納焉電瞞略得大較是亦生于惠意豈不為幸也哉就中孤樹裒談前年遂涉獵今又忘焉再許恩借乎若然附此奚來

與頌知

邇日不挹風彩頗如有所失忽枉芳洒亦復如有所得矣况晚間之一來話所其得實季金非重乎時運漸遷秋霖古人之所謂一滴一莖之白可伶生也且矮室土漏下濕加之以十字街

市市兒販夫之喧聒哉足下雅候震良清勝否自齋珍重

又

昨晡勞迎接特旅宿之中盤釘桂玉之困在默存之衷雖然曾子當時說三費亦學者之明誠也曲礼全經二冊僻案鈔一冊齋持來好了好了全經得全功哉奈何秋雨之嘆滿懷不可言老杜之旧題諷誦聊遣興而已心曲併竅登音之日草草不悉

又

如季諾命一奚趨客舍尤氏加訓之冊齋持來
則不勝鳧藻而已若有西山往還之行李者爲
余假片言而巨於田郎亦傳此言牽牽昨抵意
安醫局晤對否話欄之奇事及南城否幙府江
別觀蓮之行實也耶奈何此行浮說則余亦不
日趨南城矣大暑尚如酷吏自蓄千金珍重
四書通證一策了菴錄二冊匆匆終卷目下熒
惑電抹過了雖然嘗一箇知全鼎亦豈無此事
哉呵呵了菴錄如飲粟棘蓬如喫金剛圈可吾

子之口實否雖然儒先有曰學者於吾書有所
見見地堅定而然後者異書亦宜它日不墮渠
術中云云吾子其及茲也耶晚來杖屨皈赴龍
阜則行逢以頗懈分睽之懷乎奈何睡餘眊昏
未擘行筆蚓蛇枉賜諒察
從南城今早皈洛矣爾來音息杳絕雅候震良
奈何蒸溽炎暘氣宇清勝否保重就兼雖無專
事契濶之懷難排遣故及此耳西山丈近頃無
會晤哉復否梅雨稍得霽則郊墟之夕乘涼清

旃翻然來過佳期有在矣山間靜坐未發之六
夫有新功乎歆羨歆羨呈露將來發老懷者幸
幸草草不具
萬葉十數冊齋持來想足下之所書發函子細
點檢則僅四冊它皆趙子之手澤也事出意外
不覺驚愕於此又精察焉這回所繕寫更蓄全
集昨所寄者前度之旧本也然乎否耶浚分曉
矣史漢韻會各一冊瞥爾抹過范史不好本如
黑漆屏月蝕詩可咲焉韻會稍劣於長嘯之所

藏欵今騁一价三書与万葉同函速還之丸藥
黃鸝卷簾白鷺情景何如若有餘暇則一來下
榻埃之

濃紙五帖擣而還納之於閑暇者來話多幸一
過之間大地之生靈歆蕪而未蕪元祐之政在
目下吁吁昨日紹元亭上三月晦日即事之詩
亭主弥一即龜三郎三子衝作一首拙亦不克
箝口亂道二首晚來來話可口說耳
按弥一即
者永喜也

龜三郎者
元古也

又
昨者情話輕鎰金點開之見大意之解於吾子
有新見云云晚來來而商量此事則彼此豈無
益也耶思焉
與正意賀新華搆
挺林燭一十枝稿魚貫一十絡燭以舉楮鞭之
明貫以備無棄之良規之祝之牛溲欬馬勃欬
抑敗鼓皮欬以無用為大用者將在調劑之手
也呵呵明日明午如諾行而落焉於燕雀之後

答正意

如來東疇昔來况偶它行以故不接風彩遺恨
如薤本軸子加名字重而露醜拙彌忍縮光源
氏未知誰某氏之筆蹟猶期來訊之日耳

又

中正子革解治曆二篇下高平以代予之勞鴻
庇有在矣多謝多謝此冊之主知此冊之珍乎
則足之璧也耶凡物之顯晦必有數存焉象之
所謂澤火而中正之所謂穢濁之文明也哉必
有不沿襲流俗而以革者此冊之主之所期在
斯乎否乎渠夫知易者欬然而終日易而未嘗

不易者歛否乎於茲予亦長噓一聲又太息而
噓一聲而卷而還焉中正之時與處予不克無
感按中正子者建仁寺妙喜菴之僧圓月
字中岩着書號中正子
昨日來話滌煩襟快了也館課之策先容如何
調劑在手裡詎竢言也耶又傳受之卷希一見
又和韻佳什三四仁愛孝心同物我公荷一點
實中蓮在聊塞請未以必是焉
如來諭先日閑話頗悒衷曲多謝多謝朝倉之

惠嗜好之最也感荷感荷前年所賜之朝倉其
色與味罕見此比於今未忘万万岁次抒懷抱
少冗不悉悚恐

與玄同

其後互無音不勝馳仰之至無一奇事之可洗
滌瞽瞍否於學暇者來訪竢焉竹榻棕拂亦存
足下之聲音呵呵
蓬窓八冊早早將來悃款之至情叵耐覩縷多
謝期對晤之時暫爾一過還納焉而已矣昨飯

時道春子來話及昏土苴族面布耳

昨者嘉惠病體甚適多可多可八錢價銀即今
四十三錢附此童齋持以去矣渡與賣書減則
足下先容之勞亦不尠謝之有餘琅琊之一編
留在架上不日還納焉至意過綦即者曼曼牽
之又牽赫踈無餘地於展布也

少不不良月十六

松竹邁所

來柬并山藥捆篤至深不勝清賞以會次可攄

謝辭耳拙夫所勞出事及圓以道安調劑之脩
合服用之得少効三二日之間來訊之時可展
布衷曲也頓首

此一軸非真蹟今時依樣畫葫蘆好古之者豈
所收藏乎監定何巧夕之佳會自他珍重白布
一疋例年之惠意喜喜何樣來訪之節可攄謝
忱
昨者循途跋涉之勞謝之有餘况迂一罇之美

醬一尊之新蕩或曰一貫之乾黓乎嘉貺之所
及及比類且又歸路就林谷之禪室黑刻之情
話菟裘之一快意意緒未斷榆景移影并期再
劣之次不涉多辭九頓肘柳手姜曲閣焉云
青海苔數十把製法復土之意在眼前不覺而
洒鄉淚秦吉了望隴雲况人乎惠情不啻它時
跋面謝再拜草狀

本草綱目全六帙楊文靖全三冊還了昨者匆

匆飯意根如薤本且又事文類聚可求之而已
南行冗迫分携之情無勝矣不悉

又

南罇貫馥之惠酌之味之尊蠶柘泉之後亦識
隴風者蓋足下之惠意令然也至感至感併以
附明日云爾柳又前頃市原之勝集實塵世之
一奇遇也耶多可

又

耶蘓之禁台命一通誰人之製文否未及一見
之故相留于几格餘蘊期對牀之日匆匆閱之

又
四愛版手裏於拙子大慶將亦此八冊先暫留
置之明日來訊相待耳其節以對顏彼此不開
說之也

又
海錯一器遠地之異產愛賞為憫濠梁之談會
在明明日旦想為餘埃面布

又

昨晚今日旧病之上時氣相加頭痛鼻涕手足
麻痺筋攣拘掣心曲不平無正體乞憐恕且又

街衢之奇說無之否快霽之時來訊所待也上
件頓頓

又

瑯邪編全袂一十二冊易經聚正全五冊已前
兩部還納之夕新說無之否如此投一書處平
魚貳尾佳貺謝之有餘病中無適口之味空庖
無一齋而甌中欲生魚呵呵附話攔匆匆草狀

又

昨朝南京之一尊東陵之拾顛稿魚數貫芳惠
不過之於彼地潭下磧上近隣之野氓班荆雜

坐含哺鼓腹沐雨栴風蓑笠醉歸來則夜參半
以故裁謝簡遲息及茲并以期接風教之日耳

又

昨者來訪殊六義之惠於予去珠復還者十襲
珍重喜意津津揚揚謝之有餘哉就中前回之
世說今已收買焉欲足下之所藏之善本就
之讎寇添減之異許借否也耶若然則語林亦
附并焉連日滂雨濛濛雅候未審為學自嗇昨
赴道安生之招會戶帶子夜間正意亦与之云
土苴緒餘埃接芝眉之日云

按戶帶子者戶田
帶乃為春也

昨者來訪溫語先得春春臺熙熙快哉快哉一
統志一冊還了也就中註聯珠詩格在架上則
暫借待洪麻奈何奈何它有再芳之日耳

白苧布惠來來意鄭重多謝多謝期明日之盼
睽不展布于此耳

平魚貳尾新鮮帶氣氣意不可言并埃榻芝
眉之日寒雲嚴霜肘柳手萎布字不勝上紙亮

照之日來安致謝語中平安中不細之誠云
平歲又承傳報章來康室教不可言也
花綾藻林之惠重疊如何唯今對顏於客榻并
期面謝匆匆不及羅縷

如來告昨者黑刻對話愉憚有在菘豆之種子
季諾有餘餘蘊期來問少資無改之日
稿鱉如干副以醞釀瓜南產一苞惠來野盤發
敘多謝多謝并以期來晚話欄云耳

又

一盃之酢盤釘新副異味嘉貺為憫就中扇形
之畫贊五岳名緇之親跡也於有賞鑑之興則
即今來過下榻以待之云又云又京極黃門之
歌藁中華禪祖之墨痕亦并來万般附對晤

又

昨者東山之行厨盤釘豐饒惠意可見之也謝
忱多多就審小補韻會廿四冊後刻來訊之時
可相談以相定也不宜

又

重節之說一封之素書一匹之白苧感荷感荷
如拙窮今日曝無物腹無書裏無視以此一匹
粧飭此節云呵呵
世說八策還了抑昨者奇說件件驚聒耳今日
有異聞否就中語林書庫中失點檢哉前頃一
覽則足下所藏云云如何若然者許電瞞也耶
一校讎子則速可還納焉棗棗草草不罄自家
底亮照多謝

又

昨暮從此方示一書未相達否匆忙之內被勞
使書至誠之至不克勝慶抃逐一示賜樣子得
其意大畧腰折哉察之量之背痒闕麻姑仙凡
一笑
杜詩通之價白銀十錢遣之疾風甚雨目下蕭
索雅候如何

又

乾鳥賊五絡惠意多謝晚來就安生水亭翫月
之清思可掬近人之月

也耶否乎并竅會話云昨道春子驅一力來齋
持聖像甚有古意至獻三拜還之云云

又

昨眇睽奔莫大焉杜註兩部之價直問窮可賜
之蓋書葉在前饑意在後憐想一笑

又

昨者款話懈病悵畢二豎未去如老獼猴咳于
林間可伶生林子并源語全笈還之電覽出惠
意并以竅面會之展布

一昨者來訊不勝感悅昨晚良西堂來云足下
內子追悼之和韻草案有之內子法諱法號可
記賜附此僕到來所待也拙歌不可有外見少
少可相改有之於得閑暇者為懈不平之心頭
來話多希多希
又
半劄欣欣副以中秋之清詩豈桂化為月桂乎
子寧為月宮之仙客乎近時之奇興可推而羨
焉月明日之佳招余偶旧奴已去新奴未來以
故無脚如狼之無猥可憐生道安生今晨伏見

城中有客兵之病赴之版來之時告以盛意而
已思之思之
一東二鍋兒串乾鰾皇貺至感就審昨者片事
不赴于嘯子之招云云明賈一官之塔者某賣
書二十許部齋持乎嘯館來別無奇觀之書余
袖二通來四六雕龍皇明世說足下學暇之日
就彼一覽否古文珠璣海篇新鏡等之外李獻
吉一時四大家略文藁詩書大全除之更無適
足下之好書之用者何如并以附面布匆匆涉

筆東高閣

秋霖開霽此忽枉一柬一罇連連殺子桑之右
又見斯盛意如所諭昨宿憊適得間情話不覺
累刻及夜而懊惱且迄今未蘇嘗聞浮屠之徒
病脾者禪坐三二日竟得愈蓋清閑艱氣可想
見吾輩不無感于懷所借鄒魯指南起卧涉獵
全秩五策附去焉哀曲尚期它日云

又

為歲晏之慶高麗之王蠶美醬汁厚意不可言

之万般明替晤語可據衷曲月筆凍手麻不克
曼乙

全卷又

海錯如來牒相連之惘款之誠不勝謝悰比日
不撮丰標瞻望之眼日日南向摩挲下一榻以
待焉并以附會話之時云

語林全十四冊還之比日日用何如街巷之奇
說無它否來談則病床之睡魔欲降矣呵呵掃
榻以俟耳磬折草狀

輿道圖

倭名類聚抄繡梓了寔可資多識荷一部之惠
今又新刊白氏文集卷卷每終上板寄來誦之
尤適老懷何賜加焉以謝焉

又 元和三年丁巳

頃聞朝鮮國使來其人品如何哉道春兄弟侍
幙府子伏見城足下從春子盡徃而一見試之
乎若或有筆語則余之所欲見亦在此不啻魚
熊矣思焉

耿耿於心目間者又不待書之披也夫豈淺淺而已哉余曰吾之說非所發於子之道若夫面目之云則吾亦烏能無是意哉雖然余嘗見佛者之說曰任心自在莫作觀行行住坐卧任意縱橫總是佛之妙用然則何事於立而亦何用固哉上人方將起空空入無相而跨馬駒沿曹溪以上契於拈菴之一笑而膠於觀行之伎倆不彼妙用之希而甘滯一隅自號曰柴立是固何哉佛氏之道吾未之學請以吾家之說明之孔子曰可與立孟子曰先立其大者夫適道者

未始不由於立歟艱其躰當先立其大者是固入道之路脉而道之浩浩何處下手立志以定其向立脚以固其基是實入道之大方儒釋之道所造雖異用力之功亦應不殊至於真積力久造一朝豁然之境則吾儒之所謂知至而佛者之所謂契悟也磨甄固非作鏡之道而其所以獲鏡之明者亦固磨者之功也夫所謂言下領悟者非彼之言徒使吾悟皆吾立志立脚之功真積力久而彼之言適觸吾心之憤悱也啓發之緣亦應相值而自立之功固不可誣也不

然上堂者不啻數十百衆而聽言而符契者僅一二而止若果盡在於法師之機發而都不干我事在法會者皆可以得道而有契不契者庸非先立其在我者哉然則妙用者未始不由於自立而自立者固所以爲妙用之地也是豈非吾子有取於立之之義乎雖然一有繫念便成心病不免作輟一簣即虧故孟子曰必有事焉而勿正孔子曰學則不固然則無心者豈非立志之方而固者是立脚之則乎吾子誠能由無心以充所立之志致刻固以達所立之脚他日

上証如如之躰而優入三昧之境則行住坐卧純一直心安閑恬靜虛融淡泊向之所謂神通妙用者將於是乎在而柴立二字特爲魚鱗之筌蹄豈不快活也哉噫孔子曰道不同不相爲謀孟子曰能言距楊墨者聖人之徒也子釋氏之流而我聖人之徒方當距之之不暇而反爲道不同者謀焉無乃犯聖人之戒而自陷於異端之歸乎然贈人以言仁者之事而吾之言固不能發明於子之道僅足爲他日面目之資則亦韓子留衣之意而已也庸何傷乎但生分區

域別期又迫不得托契於白蓮社中而共此方
外之遊則又吾二人之恨也他日相思其亦有
記於此乎萬曆庚寅陽月之晦孔巖後人山前
荷蕢翁書于天瑞寺之東寮
有上人宗彝自相國寺袖詩來訪次其韻
警之

楚然聲寂恨無人相國名庵喜有鄰典雅詩文
知學法溫醇心性得天仁一函蓮偈長參佛滿
室曇蒼獨占春忽袖瓊詩勤訪我愛君高出俗
冰塵庚寅仲秋望

相國寺彝上人袖一扇一詩來訪仍次其
韻以送之

秋雨涇濛竹院空曉窗黃卷對園公詩僧忽自
城南過滿袖梅檀一陣風
園公陳簡參別號是日適觀是集故及之

殊方物色眼中空獨愛庭前十八公閱盡千霜
青未了幾人能與爾同風

萬曆庚寅中秋朝鮮國通信副使鶴峰金誠
一稿

山人柴立子袖詩見訪遠客之奈不可無

答茲依元韻拾拙

西風涼透芰荷衣
遠客思飯苦未飯
深院草寒瀆鳥下
空林露冷晚蟬稀
孤居政似禪機熟
浪迹期非壯士違
珍重旅窗相訪意
他時應記篆烟飛

次蕤上人見示韻

日浴桑冥倒若英
中間風水幾鵬程
筆頭萬里渾無碍
輸入奚囊兩地情
五山謝天路
謝柴立子見訪仍
以詩投贈

空谷楚音意未輕
一場清話更關情
預愁他日

相思處雲海無因寄遠聲

山前

和次柴立子再疊韻

一炷清香對博山
相逢不覺自歡顏
僑窓若得長如此
何用天涯別索閑

山前

三疊柴立韻索和

剝啄驚聞響振山
清晨不洗枕前顏
披衣共覓新詩句
自笑幽期未是閑

山前

嘗柴立子贈菊
荅副呂清詩一絕仍用元韻

韻

每見黃花憶故山
旅遊偏覺損朱顏
逢君更起

東籬興政是浮生半日閑
山前徵人

奉次山前謝柴立子贈菊韻仍贈柴立子

博粲

天瑞寺前金鳳山客窓詩料付孱顏黃蒼又見
僧相贈添得衰翁一味閑
北溟狂客

次贈柴立子

涼風涼盡夜雲輕新月中天惱客情
奉有山僧來問字掩門同聽候
出聲
北溟白大鵬

文章達德錄序

廣胖窩滕欽夫日東人也嘗聞日東四大姓藤
為之長又嘗見宋大史景濱日東曲有曰聯城
甲第競豪華者是也自曠古世撰國政以至道
長公公五世孫五條長秋並俊成及京極戶部
尚書定家及中院亞相為家並以道德文章震
曜古今萃胄遙遙不絕統緒十世孫三品相公
為純是欽夫之皇考也欽夫以王綱不振亂賊
橫恣自幼隱居以道自樂余之落日東者三年
得欽夫於王京与之遊者數月始知其為人而

叩其為學焉既叩其為學而益信其為人焉其
為人也韜晦不求聞達人可聞而不可見可見
而不可知也見善若驚疾惡如風道所不合雖
王公大人有所不顧也簞瓢陋巷處之裕如義
所不可雖千駟萬鍾有所不屑也其為學也不
局小道不因師傳因千載之遺經繹千載之絕
緒深造獨詣旁搜遠紹自結繩所替龍馬所載
神龜所負孔壁所藏迄漢洛關閩紫陽金谿北
許南吳敬軒敬齋白砂陽明等性理諸書靡不
貫穿馳騁洞念曉析一切以擴天理收放心為

學問根本其為文如菽粟布帛之不可一日離
而自然有奇絕處日東學者闔國唯知有記誦
詞章學未知有聖賢性理存艱省察知行合一
之學故赤松源公廣通慨然喁歛夫以四書六
經及性理諸書新以國字加訓釋惠日東後學
今又學者不知作文几格之故據前賢議論間
以已見群分類聚為文章建德綱領其所謂達
者孔子之所謂辭達而已矣者也所謂德者孔
子之所謂有德者必有言者也此一編之綱領
而作文之根柢也千回萬變萬狀千態備錄而

無餘使歐曾王蘓之饒筆舌善評論者復生於
來世而不得減一辭加一辭使來世之求翰墨
畦逕者如入正門尋坦道則其所得可謂盛矣
所志可謂勤矣嗚呼歛夫之生豈偶然哉其亦
不牽而不生於中華名儒之列与之上下其議
論而生於絕海之遐遠而沈冥百世之豪傑其
亦牽而不生於中華名儒之列与之上下其議
論而生於絕海之遐遠而振發一方之盲聾雖
然若使日東之人卒莫知有歛夫莫知尊信此
編也則歛夫之志嗟已矣夫其謂之不幸也亦

宜雖然若使日東之人賴歛夫得以開悟賴此
編得以傳解而老師宿儒文雄鉅擘接跡於當
世皆知所以據於德而達於辭則豈歛夫一身
之幸哉抑日東一邦之大幸也其謂之幸也亦
宜雖然歛夫豈以幸不幸哉唯為所當為而已
又何言幸不幸哉凡古之為書者皆所為不行
於今而行於後者也今歛夫不務行乎今而務
行乎後豈歛夫之厚於後而薄於今耶抑今之
有所不可也耶余於歛夫之此編始喜之而卒
有感焉

萬曆己亥三月一日

朝鮮國刑部員外郎菁川之

美沆敬叙

...

...

...

...

...

惺窩文集卷之四終入

